

Mga paghahabol na silicosis sa industriya ng engineered stone benchtop



Ang kabayaran sa mga manggagawa ay kabayang pinansyal na ibinibigay sa mga manggagawang napinsala o nagkasakit bilang resulta ng kanilang pagtatrabaho, at posibleng kasama rito ang kabayaran na saklaw ang mga nawalang kita, permanenteng kapansanan, mga pagpagamot na gastusin, at rehabilitasyon sa lugar ng trabaho para tulungan silang makabalik sa trabaho. Para sa higit pang impormasyon, tingnan ang lathalain ng WorkCover WA: [Kabayaran sa Mga Manggagawa at Pamamahala sa Pinsala: Isang Gabay para sa Mga Manggagawa.](#)

Napag-alaman sa pananaliksik sa Australia at ibang bansa na ang mga manggagawa sa industriya ng engineered stone benchtop ay posibleng nalantad sa mga antas ng masisinghot na crystalline silica na mapanganib sa kanilang kalusugan. Posibleng malantad ang mga manggagawa sa alikabok na silica habang ginagawa ang pag-dry cut, pag-grind, pag-sand at pag-polish ng mga stone bench top at sa proseso ng pag-install.

Ang silicosis, isang uri ng pneumoconiosis, ay isang sakit sa baga na dulot ng pagkakasinghot ng alikabok na crystalline silica na mayroong mga butil na sapat ang kaliitan para makapasok sa malalim na tissue ng baga.

Para makakuha ng kabayaran, aatasan ng isang manggagawa ang independiyenteng Industrial Diseases Medical Panel (IDMP) na gumawa ng pinal at may bisang pagpapasya sa iba't ibang mga tanong kasama na ang diyagnosis na silicosis na nauugnay sa trabaho, ang haba ng panahon ng kawalan ng kakayahang magtrabaho ng isang manggagawa, at ang antas ng kanilang kapansanan.

Binabalangkas ng fact sheet na ito:

- ang proseso para sa paggawa ng isang paghahabol sa kabayaran para sa mga manggagawang may probisyonal o kumpirmadong diyagnosis na silicosis
- ang responsibilidad ng mga taga-paseguro na bayaran ang mga halaga ng kinakailangang ulat ng espesyalista sa respiratoryo, mataas na resolution na CT scan, at isang standardized na full respiratory lung function test bago ang pagpapasya ng IDMP.

Diyagnosis na silicosis

Walang sintomas ang ilang taong nasa unang antas ng silicosis. Kung naniniwala kang nakakaranas ka ng isang karamdaman sa respiratoryo, dapat mo itong ipaalam sa iyong taga-empleyo at magpatingin kaagad sa isang manggagamot.

Sa ilalim ng mga kinakailangan ng kaligtasan at kalusugan sa trabaho (occupational safety and health o OSH), inaatasan ang mga taga-empleyo ng mga manggagawang nalantad sa masisinghot na crystalline silica na bayaran ang pagsubaybay sa kalusugan, na kinabibilangan ng mga halaga ng mga medikal na serbisyo at pagsusuri. Ang mga pagsusuring pagsubaybay sa kalusugan ay dapat pangasiwaan ng isang Itinalagang Medikal na Manggagamot (Appointed Medical Practitioner o AMP). Ang AMP ay isang doktor na may karanasan sa pagkakatantad sa trabaho at pagsubaybay sa kalusugan. Para sa higit pang impormasyon sa pagsubaybay sa kalusugan, tingnan ang [website ng WorkSafe DMIRS](#).

Kung nagkagastos ka ng mga halagang nauugnay sa mga medikal na appointment at pagsusuri, dapat mong talakayin sa iyong taga-empleyo kung kinakailangan nilang bayaran ang nagastos mo sa ilalim ng mga kinakailangan ng OSH.

Hinihikayat kang gumawa ng paghahabol para sa kabayaran ng mga manggagawa sa lalong madaling panahon kung nagkaroon ka ng probisyonal na diyagnosis ng silicosis sa isang manggagamot.

Paggawa ng paghahabol para sa kabayaran ng mga manggagawa

Para makagawa ng paghahabol para sa kabayaran ng mga manggagawa, inaatasan kang:

- kumuha ng Sertipiko ng Kakayahan mula sa iyong doktor na nagbigay ng probisyonal na diyagnosis na silicosis (posibleng ito ang AMP na nagsagawa ng pagsubaybay sa kalusugan mo)
- kumpletuhin ang isang [pormularyo ng paghahabol para sa kabayaran ng mga manggagawa](#)
- ibigay ang pormularyo ng paghahabol, Sertipiko ng Kakayahan, at mga resulta ng medikal na pagsusuri sa iyong taga-empleyo. Sa loob ng limang araw ay **dapat** iparating ng iyong taga-empleyo ang paghahabol sa kanilang tagapaseguro.

May karapatan ka ring legal na may kumakatawan, o tulungan ka sa iyong paghahabol, sa kabuuan ng proseso ng kabayaran ng mga manggagawa.

Mga obligasyon ng tagapaseguro

Kung hindi ka pa nakakakuha ng ulat ng espesyalista sa respiratoryo, kinakailangang isangguni ang iyong probisyonal na diyagnosis na silicosis sa isang espesyalista sa respiratoryo para sa karagdagang pagsusuri at kumprehensibong pagtatasa. Kinakailangan ito bago makagawa ng pagpapasya ang IDMP.

Gagawin ng tagapaseguro na:

- iparating kaagad ang iyong claim sa WorkCover WA para tumulong sa pag-iiskedyul ng IDMP para sa pagpapasya sa: records@workcover.wa.gov.au
- bayaran ang ulat ng espesyalista sa respiratoryo na nakakatugon sa mga minimum na kinakailangan sa Talahanayan 1 (kung ang manggagawa man o tagapaseguro ang pumili sa espesyalista)
- magbayad para sa isang mataas na resolution na CT scan at isang standardized na full respiratory lung function test, kung saan nakakatugon ang dalawa sa mga minimum na kinakailangan sa Talahanayan 2
- kapag natanggap ang ulat ng espesyalista sa respiratoryo at mataas na resolution na CT scan, agad na iparating ang impormasyon, kasama ang kasaysayan ng pagkakalantad sa silica sa trabaho at anupamang ebidensya, sa WorkCover WA sa records@workcover.wa.gov.au. Kung binayaran ng tagapaseguro ang ulat at/o scan at lung function test, bibigyan ka rin nito ng kopya.

Talahanayan 1:

Kasama dapat sa ulat ng espesyalista sa respiratoryo ang:
Mga kasalukuyang sintomas ng manggagawa
Kasaysayan at kaugnay na kahulugan ng pagkakalantad sa masisinghot na crystalline silica (nauugnay sa trabaho at hindi nauugnay sa trabaho)
Kasaysayang medikal <ul style="list-style-type: none">• mga kasalukuyang umiiral na sakit• mga gamot sa nakaraan at kasalukuyan• kasaysayan ng mga medikal na pagsisiyasat
Kasaysayan ng paninigarilyo
Diyagnosis
Kakayahang magtrabaho

Talahanayan 2:

Kinakailangan ang scan at pagsusuri:
Mataas na resolution na CT scan ng dibdib (mga posisyong nakadapa (prone) at nakahiga (supine)) <ul style="list-style-type: none">• hindi hihigit sa anim na buwan nang ginawa• kopya ng ulat ng radiologist at disk
Standardized na full respiratory lung function test kasama ang: <ul style="list-style-type: none">• spirometry• mga volume ng baga• diffusion• saturation ng oxygen• mga flow volume curve

Mga susunod na hakbang at karagdagang impormasyon

Kapag naisumite mo na ang iyong paghahabol, makikipag-ugnayan sa iyo ang WorkCover WA para pag-usapan ang pag-iiskedyul at ang iyong appointment pagpunta sa IDMP, mga pang-administratibong kinakailangan, at kung ikaw ba ay may legal na kumakatawan.

Kung kailangan mo ng anumang tulong sa iyong paghahabol o sa mga nilalaman ng katunayang pahina na ito, makipag-ugnayan sa WorkCover WA sa medical@workcover.wa.gov.au o sa (08) 9489 4710.